



Bájkkeavijssa NuorttaSálto

Julevsáme Vahkkuj ádå prosjæktajådediddjev åhtsi



Tæksta: Kitty Skapalen
Járggálibme: Divte Media AS

ARKIVFOTO: LULESAMISK UKE 2010

■ Sidá gus dán Julevsáme Vahkov jádedit?

Doajmmasiebrre Julevsábme (DSJ) åhtsi ádå prosjæktajådediddjev guhti máhtta jahkásasj Julevsáme Vahkov jádedit. Valla dálátjij ij le aktak diededam. Udnásj jádediddje Odd Levi Paulsen guhti sihtá nágín iehtjádij bargov vaddet, hasot gájkajt gudi julevsáme gielas ja kultuvras berusti diededit.

- Prosjæktajådediddje bierrí dakkár guhti ávdåsvásstádussaj lijkku ja berustit, ja åhtsáp nágínáv guhti le badjel 18 jage, javllá Paulsen.

Vidát jahke

Dán giese le vidát jahke doajmmavahkko ásaduvvá. Ja degu agev le rahtedis sebrudahka Másske Divtasvuonan gánná dáhpáduvvá. Vahkko le snjilltjamáno goalmát vahkko gá Divtasvuonav miehtáj li ulmutjijs galle giesseárudagájn.

-Dákkir barggo ja tjadádibme le ávkálasj máhtto ja mákso le dan duogen man

stuorra ruhtadibme prosjevtan le ja makkir prosjevtá tjadáduvvi. Álles vájmos sávvpav nágínin le vejulasjvuohta ja miella prosjevtav joarkket, javllá Doajmmasiebrre Julevsábme (DSJ) dárvodis stivrrajådediddje Viktor Inge Paulsen.

Sáme vahkko le julevsáme giela, kulturárbe ja histávrrá nali tsieggidum, ja dan ulmme le liehket alkoholahtes, hávsskes ja jasska vejulasjvuohta giesen sierraláhkáj sáme nuorajda, valla aj fáaladagáj sihke mánájda ja állessjattugijda. Vahkon li moadda iesjgeŋgalágásj dájma degu julevsáme dibmaduodje kurssa, bállojtjektjamskávlá ja dábálasj Hellmo Cup. Li aj vádtsem- ja guollimgilppusa, giellabagádalle ja állo ienep.

- åhtsáp berustiddje ulmutjav gænna le miella dási, sáme ássjijs berus ja le gárves badjel válldet geldulasj ásadimev mij gielav ja kultuvrav dættot. Organisasjavná oajvveulmme le sáme gielav, identitehtav ja kultuvrav ávdedit, gánná sáme máná ja nuora li

oajvveulmmejuohkusa, ja Julevsáme Vahkko le ájnas oasse dát bargos, javllá Odd Levi Paulsen.

Stuoves ruhtadibme Sámedikke budsjehta baktu

Vahkko le juo bessam stuoves ruhtadibmáj Sámedikke budsjehtan. Ásadibme le aj ruhtaduvvam rudájs majt åhtsá ja ietjas rudáj ja le oadtjum doarjjagav duola dagu Nordlándá fylkkasuohkanis, Siesstembáŋŋka 1 Nuortta-Vuonas ja Divtasvuona suohkanis.

- Dijmmá lij budsjehta 680.000 krávná, massta kr 130.000 lij kafeadoajmma, sulle 100.000 luojvoj barggo, 200.000 Sámedikke, 150.000 Nordlándá fylkkasuohkanis ja 100.000 Divtasvuona suohkanis. Miján li 200.000 krávná stuoves ruhtadibmen Sámedikke ja miján le aktisasj barggosjehtadus Divtasvuona suohkanijn mij merkaj 2015 rájes oadtjop 100.000 krávná sijájs. Navti li dá rudá juo gárvvása váni

åhtsámis, mij álu le låsemus barggo, miejnni ávdep jádediddje.

Vuoset aj ádå prosjæktajådediddje duogen le makta galggá ienep rudájt åhtsát dájda duodden.

- Ja prosjæktajådediddjen le aj bargevehka, 6-8 gudi vásstedi iesj guhtik ássje ávdås plánidijn ja tjadádímijn ja navti ij «aktu» barga. Duodden li gájka 2014 åhtsámusá sáddiduvvam ja navti ij ádå prosjæktajådediddje dárba ruhtadímijn barggat dán jage. Dáv máhtta stivrra dahkat.

- Mij sihtap mijá ásadibme galggá liehket dakkir gánná julevsáme máná ja nuora bessí liehket dássju gudi sij váni dættos storrasebrudagás, ja jut máhtto julevsáme dábij, giela ja kultuvra birra buolvas buolvvaj áhpáduvvi, javllá Odd Levi Paulsen. Sån hasot gájkajt gudi julevsámevuodas berusti, aktijvuodav válldet.

Máhtá aktijvuodav válldet stivrrajådediddijn Viktor Inge Paulsenijn telefávnán 952 95 985.